

新修慶陽府志卷之三十一

流寓

易重即次禮謹出疆古人不輕去父母之國者以生
斯聚斯也然卒流寓他國者或慕其山水或時事所
值而然慶郡僻處一隅間有樂寓茲土者惜文獻無
徵不能覩縷舉即舊志所載與父老所傳聞者姑
誌之以備考焉志流寓

夏

不 窰 按舊志不窰后稷之後值夏德衰亂窰居北

慶陽府志

卷之三十一

流寓

一

函即今之慶陽也子鞠陶孫公劉俱歷世為茲人

漢

馬 嚴 字威卿扶風茂陵人嚴少孤從平原楊太伯

遊通春秋左氏弟敷字孺卿亦知名援卒後嚴與敷
俱歸安陵居鉅下三輔稱其義號鉅下二卿明德皇
后既立嚴乃閉門自守猶憲致嫌復更徙北地斷絕
賓客允平十五年皇后勅使移居洛陽

晉

傅 元 舊志云元為介子幾世孫介子在漢時已為

北地人而元為遠孫又徙靈州徙居泥陽是必或嘗游寓靈州而歸也見鄉哲志

唐

董默 本天水人高宗時為果毅都尉陞游擊將軍有勇謀多樹奇功遇真寧因家焉沒葬真寧之北原於今石碣冥器猶有存者見人物志

袁恕已 本東光人神龍二年坐南陽郡王事流環州為周利貞所逼飲野葛數升不死憤懣坏土以食不能絕乃擊殺之謚貞烈

慶陽府志

卷之三十一

流寓

二

蘓檢 昭宗時幸鳳翔檢以洋州刺史奔行在李茂貞薦即拜工部侍郎同中書門下平章事以女為景王妃帝還京師檢長流環州

宋

王淵 本熙州人徙居環州善騎射累立戰功歷知鞏州遷寧州觀察使靖康初為真定都統制高宗南渡討平羣盜拜簽書樞密院事兼都統制為苗劉所害軋道中謚襄愍

雷德驤 官大理寺通判開寶六年言趙普擅增刑名

太祖怒叱曰鼎鑊猶有耳汝不聞趙普吾之社稷臣乎引柱斧擊折其上齧二齒黜為高州司馬尋削籍流靈武正史約注曰靈武慶陽府環縣

高頡 勃海人宋崇寧間修城隍廟者述之曰高頡父祖世居畎畝徙至合水未幾驟致鉅萬之富

元

蒲察天吉 字慶宗金元間人自題高頡碑陰有神靈之贊署曰將仕郎慶陽府知事蒲察天吉贊旁又有

蒲察天榮侄英輔英弼之名則其挈家在是可知矣

慶陽府志

卷之三十一

流寓

三

或仕於郡而寓於此者耶見合水志

明

江本 本江西吉水人洪武末由舉人任真寧知縣有惠政民不忍其去本亦樂其土厚風淳因家焉至今子孫書香不絕

張珩 山西石州人正德辛巳進士由監察御史陞大理少卿歷陞延寧二鎮巡撫都御史遂以兵侍秉節鉞總督三邊清直不阿權貴陞戶部尚書未任時以延綏失利罪在偏裨願濫延總督竟請戍慶陽凡

七年教授生徒誦論道德若將終身爲一時俊髦咸
出門下嘉靖壬子延綬兵急又值巡撫病卒中外洶
洶起公復爲巡撫至則邊事已壞著有南川錄并文
集奏議若干卷

馬 雄 京衛侍直指揮使正德末年以逆濠之變奉
旨提解王叅政家族比武臣官官用事多不論理法
而王氏事干逆藩地方驚怖特甚官司疑畏遂收其
九族雄曰王氏律該載者三族耳今以九族行恐非
法也監司者聞之喜因欲得雄意以免後患諷王氏

慶陽府志

卷之三十一

流寓

四

以白金三百黃金三十遺之雄曰武職免藉威靈取
財誠有之若雄者亦嘗受教於君子矣平生未嘗萌
一妄念今以數百金遽變初心非丈夫也吾前所云
者法也且恐九族人衆必致道死無辜欲以全吾心
之不忍耳非欲市息以要賄也諸君幸勿相疑竟却
王氏之金止繫三族以行及至京法司果止擬其親
第二人發配雖再從亦不及也後從王氏往來間亦
僑居於郡

性文山人 不知何許人也蓬髮垢面嗜酒可百石詩

國朝

不稱思百首立就字如竒峰巽巒萬千其態有贈衣者即裂而披之囊金不匱莫知其所從來州中往來凡二十餘年死葬長安士人表其封曰無名氏之墓

陳咨託

以四川舉人明時為寧夏同知署州有惠政

蜀中荒殘不可還寓居郡鄉年已垂白士民爭負米以供之雖困窶殊泰如也

文士英

直隸人順治年間令合水罷官後貧不能歸

因家焉相傳工於書令人猶有寶其手蹟者

慶陽府志

卷之三十一

流寓

五

張文秀

青澗人任合水教諭其二子四維四教無力

四籍因呈請任所應試遂入縣庠今其孫曾書香相繼

林日耀

福建人合水典史順治初任子孫未歸

王繼

大興人康熙末任合水典史喜邑之地僻民

朴因家於此